

Příloha č. 5

a) Skirin tejle phušimátura pa kado teksto.

Imlízij ži ad'ejs sako ed'ešo fejlo. Butivar phírkerasas pej grastenge pijarcura. E Rom avenas khatargodi. Muro dad taj muri dej tord'árenas e vurdona pala fouro, ká sas báro páji, dosta bulho taj xour. Sa e vurdona tord'onas paša pe. E grast phangle pašaj kopáča, apal gejlam ká e gáže pala sulum. Uñivar dine ame les jivej, uñivar musaj sas te po'inas les. Samas khote kadej pánž šouv d'ejs mejg kezindas o pijarco e grastengo. E Rom paruvkernas e gáženca e grast taj vi bikinkerenas le lenge. But mure pheña taj phral kerd'ile kadej pej droma. Taj kadej ame trádkerasas e vurdonenca. E Romña mindík biknenas e poxtana, e dikhle taj e krajki. Muri dej žanelas te drabárel. Kana i gajži lelas sáma, hoť muri dej phenel lake čačimo, atunči delas la nađon but texan, e krumplici, o čiken, o áro, o cukro. Šoha či bokhajvasas.

b) Phuškeren jejkhávrestar pa kado teksto taj phenen palpále vorbi, ko phušel tumendar.

[pro učitele]

a) Skirin tejle phušimátura pa kado teksto.

b) Phuškeren jejkhávrestar pa kado teksto taj phenen palpále vorbi, ko phušel tumendar.

1. Ká phírkelelas butivar?
 2. Khatar avenas e Rom?
 3. Ká tord'árenas e vurdona?
 4. Sar tord'onas e vurdona?
 5. Ká phangle e grasten?
 6. Ká žanas e Rom, kana phangle e grasten?
 7. Keťi sas khote?
 8. So kerenas e Rom e gáženca?
 9. So žanelas laki dej te kerel?
 10. So kerenas e romña?
 11. Bokhajvenas?
-
1. Pej garstengo pijarco.
 2. Khatargodi
 3. Pala fouro, ká sas báro páji.
 4. Paša pe.
 5. Pašaj kopáča.
 6. Pala sulum.
 7. Šouv pánž d'ejs.
 8. Paruvkernas lenca e grasten taj vi biknenas le lenge.
 9. Te drabárel.
 10. Mindík biknenas e poxtana, e dikhle taj e krajki.
 11. Šoha.